


Diario

E MATUTINO DI ARUBA

DIALUNA 4 FEBRUARI 1991


ABONADO PA LUNA 19.00 FLS**PA EJEMPLAR 0,80 AÑA10/NO.3252

Victima descubri despues di tres ora



Riba e potret aki por mira con e Suzuki Samurai a tróze rond di e palo di luz ayertardi den un accidente basta serio na Pos Chiquito. Materialenwagen di Cuerpo di Bombero mester a yuda saca un persona kende a keda pega malamente den e body di e vehiculo. Pa mas detayes lesa pagina 2.

Parada di Mucha na Playa tabata grandi cu 19 grupo



ORANJESTAD(AAN):Pa duna un bista con largo e parada di mucha tabata ayera, por menciona cu na momento cu e cabez a bira pariba di Talk of the Town, e ultimo grupo tabata saliendo na altura di Stadion riba Fergusonstraat.

Un total di 19 grupo a participa den parada, si por a con-

sidera Centro di Bario Noord como un grupo en general cu su diferente seccion nan.

Mester bisa cu si apesar cu e parada tabata largo, bunita y cu hopi luho, no a bini mucho grupo acerca di locual e publico por a ira caba den: parada di blaas di Tivoli, parada na San Nicolas, y parada di Noord.

A Dream of a white dance di Centro di Bario Piedra Plata cu reina infantil di Carnaval den e grupo aki, por a spera pa habri e parada.

Nan a logra exito tambe na San Nicolas.

Nobo ayera tabata Pitufu Speelschool cu su reina, y principalmente e grupo comico cu a ricibi hopi aplauso, La Rochelita.

Mundo Romano di Aruba Tivoli Club tambe tabata basta grandi ayera y hunto cu Ban Hunga di Mani Lopez y Sta.Cruz, "Nos Vitrina di Silvia Lourens", tambe Fantasia di Strekie, Rainbows di Caribe combina cu Dream of a White Dance, a duna lustre luhoso den e parada.

Den e parti luhoso no por laga afo tampoco e Eagle Rotery di Nathalie Carlo ni e fantasia di Faraó, mientras cu masha colorido y bunita tabata tambe e Tuff Kids na Rio de Janeiro y Alice in Wonderland.

E parada a wordo yuda hopi tambe cu presencia di Marine Fantasy, Mermaids, sirenanan, The Little Devil, Marineronan Sailors on Board y Juana Morto.

E parada di mucha ayera a resulta grandi, luhoso y bunita, pero mester bisa acerca sin embargo cu a yega di mira paradanan di mucha na Playa mas grandi y mucho mas bunita y cu mas luho tambe.

Locual si tabata tin masha hopi tabata musica, y Disconan a domina cu 12 en total, sigui pa 8 banda musical, y 4 brassband.